

Adres REDACTIE VOORLOOPIG Karangsari 11a Semarang,

Adres ADMINISTRATIE
Sajangan 15, Semarang.

Officiëel Orgaan diterbitken saben boelan oleh:
CENTRAAL HUA CHIAO TSING NIËN HUI, SEMARANG.

De inhoud is buiten verantwoording van de Drukkerij.

Toelisan? dan perobahan? text advertentie harep ditrimaken sabelonnja tanggal 5 tiap-tiap boelan.

Harga abonnement boeat orang locar satoe taon f 2.--.

Tarief Advertentie boleh berdami dengen Afdeeling Advertentie p/a Liemboenweg No. 16, Semarang.

SEPOETER T. N. H.

Peraja'an 10 October.

Seperti tempo hari kita soedah toelis bahoea Hua Chiao Tsing Nien Chung Hui telah ambil poetoesan oentoek setiap taon rajahken doea kali hari peringetan, jaitoe jang pertama pada tanggal 10 Crtober dan jang kadoea tanggal 25 December.

Pada harian terseboet Chung Hui harep dengen sanget agar tiap-tiap sectie soeka ikoet rajahken.

Tida perloe serbah mentereng dan makan banjak onkost, tjoekoep dengen saderhana.

Tentang tjaranja masing2 sectie aken rajahken pada hari raja itoe ada terserah pada sasoeatoe tjabang.

Kita pertjaja seroean dari Chung Hui itoe bakal dapetken tjabang2 poenja perhatian.

Memang djoega ada pantes djika hari raja jang dipilih oleh Chung Hui itoe kita peringetken, sebab jang pertama jaitoe 10 October, ada menjangkoet pada kebangsa'an kita atawa pergerakan Tionghoa saoemoemnja, dan jang kadoea ada boeat peringetken berdirinja Hua Chiao Tsing Niën Chung Hui.

Hua Chiao Tsing Niën Chung Hui. Tiap-tiap organisatie jang besar, ampir rata-rata tida loepaken hari dari berdirinja itoe persariketan.

Begitoe djoega tiap-tiap bangsa nistjaja ada mempoenjai hari raja kebangsa'an jang dianggep penting.

Sekarang satoe antara hari raja jang soedah ditetepken oleh Chung Hui soedah ada di depan pintoe, biarlah nanti sasoeatoe tjabang dari Tsing Niën Hui soeka bikin sedikit peraja'an. Boekan sadja oentoek mendjadi tanda sebagi perindahan terhadep Conferentie poenja poetoesan, tapi poen sebagi satoe kahormatan boeat kita-poenja kebangsa'an sendiri.

Sebagi bangsa Tionghoa, tida ada salahnja kaloe kita hormatken kebangsa'an kita sendiri, peringetken bangoennja soemanget Tionghoa, sebab di sitoe doeloe ada tergantoeng deradjatnja bangsa kita

Artinja 10 October boeat orang Tionghoa.

Sekarang marilah kita bitjaraken sedikit asal-oesoelnja ini hari besar jang Chung Hui harep dirajahken oleh semoea sectie.

Kita rasa pembatja telah mahloem, bahoea di djaman poeloehan-poeloehan taon doeloe, orang Tionghoa masih terpetjah belah. Satoe orang Tionghoa dari satoe provincie anggep dirinja "lain" dari orang Tionghoa jang boekan dari satoe provincie.

Malah satoe orang Tionghoa dari lain kampoeng anggep dirinja boekan satoeroenja dari pendoedoek di itoe kampoeng.

Jang lebih terlaloe lagi, orang jang berlainan she dianggep tida ada kenanja satoe sama lain.

Ini anggepan tjoepet soedah bikin pemimpin-pemimpin Tionghoa jang besar sebagi Dr. Sun Yat Sen, Li Yuan Hung, Huang Hsin, Dr. Wu Ting Fang, Tsai Ao, dan lain-lain poela mendjadi sanget sedih, sebab dengen begitoe terang sekali bikin tenaga Tionghoa djadi terpetjah.

Sementara petjahnja tenaga Tionghoa itoe bakal membikin Tiongkok ambrek selamanja dan tida aken bisa bangoen kombali.

Kerna tjara bagimanakah marika bisa bikin bangoen lagi kitapoenja negri kaloe tiap-tiap orang Tionghoa anggep

dirinja berbeda atawa asing satoe sama lain?

Tiongkok baroe bisa bangoen dan berdiri poela kaloe diangkat oleh psetra-poetranja.

Tetapi oentoek bisa bangoenken Tiongkok ada perloe sasoeatoe orang Tionghoa bersatoe, bersepeket dan tida asingken diri satoe sama lain.

Itoe sebab pemimpin-pemimpin terseboet tida bosennja bikin propaganda, baik dengen perkata'an maoepoen dengen djalan via soerat-kabar, brochure atawa pamflet, marika bikin mendoesin tiap-tiap orang Tionghoa soepaja bangoenken satoe Tiongkok baroe, Tiongkok jang mempoenjai arti boeat sasoeatoe orang Tionghoa.

Tiongkok jang berada di bawah kemoedinja orang Manchu pada itoe tempo boekan beroepa lagi satoe Tiongkok jang penting boeat kita, sebab pamerentahan jang diatoer oleh orang Manchu ada kliwat menjedihken. Orang Manchu melainken taro kapentingannja sendiri di moeka, tida kenal dengen perobahan, maka Tiongkok djadi sanget terblakang dari negri jang lain.

Tiongkok jang loeas boleh dibilang tida mempoenjai roemah-roemah sekolah jang genah. Orang Manchu sengadja bikin rahajat Tiongkok tinggal bodo soepaja tida kenal haknja sendiri.

Maka oentoenglah itoe pemimpinpemimpin besar maoe tjapein diri dan bersedia korbanken diri akan goena tanah-aer dan bangsanja.

Marika andjoerin sasoeatoe orang Tionghoa bersepeket dan bangoenkan satoe Tiongkok baroe.

Gerakan boeat tjiptaken satoe Tiongkok seperti jang dipikir oleh marika ada sanget soesah dan berbahaja, lantaran orang Manchu goenaken tangan besi terhadep orang-orang jang dianggep berbahaja.

Tetapi gerakan jang dioesahaken oleh Dr. Sun c. s. toch berdjalan teroes. Marika dapetken banjak pengikoet. Orang Manchu jang bodo dan tida

kenal perobahan djaman tida dapetken sympathie poela dari rahajat. Maka tatkala Generaal Li Yuan Hung dan kawan-kawannja bergerak di Wu-

chang pada tanggal 10 October pada 28 taon jang laloe, telah dapetken sympathie disana-sini.

Orang-orang jang bekerdja pada pamerentah Manchu malah banjak antaranja soedah persatoeken diri pada

Li Yuan Hung, maka lekas sekali kota Wu-chang, berikoet Hankow, didoedoekin olehnja. Kamoedian kota-kota jang berdampingan poen ikoet menjerah padanja,

pingan poen ikoet menjerah padanja, hingga didalem tempo tida lama, banjak kota-kota penting soedah djatoeh di tangannja. Yuan Shi Kai jang itoe tempo ada

pangkoe kadoedoekan penting di Peking telah bisa boedjoek keizer Manchu boeat bikin compromis.

Kasoedahan dari itoe adalah dengen berdirinja Republiek Tiongkok, jang sampe ini hari telah beroesia 28 taon.

Begitoelah tanggal 10 October itoe lantas diakoeh oleh pamerentah Tiongkok sebagi hari raja kebangsa'an Tionghoa jang sanget penting, kerna adalah itoe hari jang mendjadi permoela'an dari pergerakan Tionghoa oentoek membangoenken Tiongkok baroe, hingga di dalem sedjarah Tiongkok itoe hari raja diseboet sebagi Wu-chang Chi-yi atawa Wu-chang day; tetapi

lantaran djoestroe djatoh di tanggal sepoeloeh dari boelan ka sepoeloeh, dari itoe diseboet djoega hari raja Siang-sip-tjiat atawa sepoeloeh dubbel.

Begitoelah artinja dari hari raja itoe, jang mana memang ada mempoenjai arti jang penting bagi kebangsa'an Tionghoa.

Pergerakan Tionghoa sedjak itoe waktoe poen bertambah besar dan bersoemanget, maka adalah soedah sadjamaknja kaloe tiap-tiap orang Tionghoa moeliaken hari raja itoe. teroetama kitapoenja Tsing Nien Hui-ers, jang termasoek didalem kalangan pergerakan
kaoem moeda.

Di Tiongkok, dimana sadja bangsa kita ada berdiam, itoe hari raja selaloe diperingetken, maka biarlah lagi sekali kita harepken hari raja itoe bakal dirajahken dengen penoeh kagoembira'an maski dengen setjara jang paling saderhana.

Kerna tiap-tiap peraja'an itoe tida tergantoeng pada banjaknja ongkost jang dikloearken, atawa dari banjaknja orang jang mengikoet, tetapi teroetama penting adalah kita poenja soemanget dan djangan loepaken azasnja.

LUSTRUM-NUMMER DARI H. C. T. N. H.

Tempo hari kita soedah toelis, berhoeboeng dengen berdirinja Chung Hui sepoeloeh taon, selainnja bakal dilakoeken sedikit peraja'an, aken diterbitken djoega Lustrum-nummer oentoek djadi satoe peringetan.

Sekarang soedah bisa ditetepken tentang roman dari itoe lustrum-nummer, jalah beroepa boekoe, jang bakal ditjitak sabaik-baiknja, soepaja tiap-tiap anggota T. N. H. bisa simpen atawa poenjaken satoe boekoe peringetan itoe.

Penerbitan ini aken selesih ditjitak sakbeloemnja tanggal 25 December, jang djatoh di harian terlahirnja Chung Hui, soepaja djadi tjotjok pada azasnja.

Isi dari ini nummer, tentoe sadja diatoer menoeroet tjara dan toedjoean jang tjotjok pada kita poenja organisatie.

Boeat goenanja ini penerbitan, banjak tenaga telah dikloearken.

Tetapi soepaja menjotjokin pada maksoed jang moelia dari ini peringetan, maka di dalem Lustrum-nummer itoe tida bakal dimoeat advertentie, kerna boekan maksoed Chung Hui aken kedjer kaoentoengan atawa hasil.

Maksoed teroetama dengen diterbitkennja itoe nummer, jalah oentoek mendjadi satoe peringetan, satoe maksoed soetji, bahoea Chung Hui soedah berdiri sepoeloeh taon, satoe oesia jang kendatie haroes diakoeh belon bisa dikata toea, tetapi adalah tjoekoep menggirangken kapan kita menginget, bahoea selama sepoeloeh taon itoe Chung Hui boekan sadja teroes berdiri dengen tegoeh, padahal malah seminkin dapetken

banjak kapertjaja'an, baik dari tjabang tjabang maoepoen dari publiek.

Ini tanda-tanda baik memang djoega haroes disamboet dengen girang dan tida haroes dikasih liwat begitoe sadja, dari itoe Lustrum-nummer itoe diterbitken tida dengen maksoed tjari kaoentoengan atawa kedjer hasil.

Lantaran demikian maka goena onkost dari penerbitan itoe djadi terserah atas pikoelan Chung Hui sa'anteronja, tegesnja tida dapetken kaentengan, lantaran tida ada hasil masoek jang beroepa advertentie.

Kita anggep ada baik sekali kapan tiap-tiap anggota dari Hua Chiao Tsing Nien Hui poenjaken satoe exemplaar dari ini nummer, boekan tjoema soepaja beroepa satoe tanda-mata, tetapi djoega boeat djadi satoe peringetan.

Soepaja tanggoengan Chung Hui tida terlaloe berat, itoe nummer aken didjoeal saben djilidnja f 0,10 satoe harga jang tjoekoep moerah dan boleh dikata tida membikin beratnja sasoeatoe Tsing Niën Hui-er.

Harga ini memang dipasang sarendah-rendahnja, sebab djoega boekan maksoed tjari kaoentoengan dari leden. Harga itoe melainken sakedar beroepa satoe penggantian onkost tjitak. Lebih tida!

Chung Hui pertjaja anggota-anggota Tsing Niën Hui nanti soeka poenjaken ini satoe nummer.

Boeat mendjaga agar tida menanggoeng banjak roegi atawa hadepken risico berat, maka Chung Hui ambil poetoesan demikian:

Pada semoea sectie diminta soepaja soeka bantoe tjapeken hati sedikit boeat tjatet, brapa banjak anggota jang maoe beli itoe Lustrum-nummer, soepaja kapan itoe penerbitan soedah selesih, pada temponja jang ditetepken bisa dikirim pada sectie terseboet menoeroet djoemblah jang diseboetken.

Sabisa-bisa Chung Hui aken tjitak menoeroet djoemblah perminta'an dari masing-masing sectie, agar tida terdapet restant terlaloe banjak.

Soerat-soerat perminta'an boeat itoe nummer, ditoenggoe sampe paling laat tanggal 1 November jang aken dateng, kaloe saliwatnja itoe hari Chung Hui belon trima soerat perminta'an itoe, maka dianggep tida ada pesenan, dan pada harian terbitnja itoe Lustrum-nummer, sectie jang tida madjoeken perminta'annja, tida bakal dikirim.

Lagi sekali kita oelangken, lantaran boekan maksoed Chung Hui boeat tjari kaoentoengan, tetapi djoega agar tida membikin Chung Hui tanggoeng karoegian, maka kiranja dengen bajar sepoeloeh cent boeat harganja itoe Lustrum-nummer tida aken dirasaken berat oleh tiap-tiap soedara, agar soedara-soedara bisa poenjaken dan simpen itoe boekoe peringetan berdirinja sepoeloeh taon dari kita poenja organisatie.

10°/. REDUCTIE!

boeat leden H. C. T. N. H. (à contant).



Perloe sama satoe katja-mata???

Datenglah pada kita!
Sebab:
Satoe katja-mata jang baek, dengen harganja jang moerah.
Tjoemah bisa dapet pada Toko:

Optische-Industrie
v/h M. BIRKENFELD.
Toendjoengan 35 — Teif, Z 241
SOERABAJA.

Dari pendekar sampe penghianat.

Perboeatannja Dr. Wang Ching Wei sanget ketjiwa.

Soedara-soedara rasanja soedah tida asing lagi dengen ini nama, saorang jang tempo hari pernah diberi koewadjiban boeat lindoengken nasibnja Tiongkok, kita poenja tanah aer.

Tetapi ini orang terpladjar sekarang telah berbalik haloean, dari saorang jang didjoendjoeng tinggi oleh rahajat dari seloeroeh Tiongkok, sekarang mendjadi saorang jang dihinaken, ditjap sebagi satoe penghianat.

Betoel tragisch!

Siapatah Wang Ching Wei?

Ia ada saorang jang doeloe mendjadi Dr. Sun Yat Sen poenja salah satoe kawan jang setia, saorang jang di waktoe moedanja mempoenjai soemanget berapi, brani dan tida moendoer boeat boeang djiwa oentoek belaken Tiongkok.

Adalah Wang Ching Wei jang satoe kali maoe hantem bom pada Prins Regent tatkala ini pembesar Manchu jang tertinggi maoe pasiar djalan-djalan.

Tetapi sabelon maksoed itoe didjalanken politie telah bisa bekoek Wang dipinggir djalanan, maka ia laloe ditangkep dan didorong ka dalem pendjara.

Wang Ching Wei tida lantas dipanggal kepalanja, lantaran pembesar Manchu lebih doeloe maoe taoe siapa lagi jang mendjadi ia-poenja kawankawan.

Dengen berbagi-bagi djalan Wang Ching Wie dikompes, dilabrak soepaja mengakoe dan maoe kasih taoe nama kawan-kawannja.

Tetapi Wang Ching Wei ada terlaloe kepala batoe dan mempoenjai kakerasan hati loear biasa. Kendati bagimana djoega disiksa, ia tida maoe bikin petjah resia dari persariketannja.

Boeat ini kadjoedjoeran dan kesetia'an dari Wang Ching Wei, kita moesti angkat topi.

Orang haroes mengarti, bahoea orang Manchu ada terlaloe boeasdan tida kenal kasian terhadep golongan Tionghoa jang ditjap sebagi kaoem pemberontak dan maoe lepasken Tiongkok dari kakoeasa'annja orang Manchu, maka orang bisa bajangken sendiri, setaoe bagimana heibat Wang Ching Wei soedah di-aniaja di dalem pendjara.

Tetapi Wang lebih soeka binasa dari pada berhianat pada kawan-kawan dan

perkoempoelannja.

Dari itoe pembesar Manchu sampe boohwat dan terpaksa kerem sadja itoe orang nekat di dalem boei dengen bikin ia banjak soesah.

Di dalem pendjara itoe Wang Ching Wei trima nasibnja dengen tida pernah menjomel.

Ia soedah poetoes harepan bisa hidoep lebih lama.

Di dalem hatinja malainken toenggoe sa'at boeat tinggalken ini doenia, sebab satoe orang Tionghoa jang brani maoe boenoeh Prins Regent, jang boleh dikata wakilnja Keizer Manchu, boekan main besarnja ia-poenja dosa.

Maka bagimana Wang Ching Wei orani harep bisa hidoep lebih lama?

Tetapi ia tida merasa keder, tida djerih, segala sa'at ia toenggoe boeat trima hoekoeman potong kepala, jalah saroepa hoekoeman jang paling disoeka oleh orang Manchu boeat hoekoem orang-orang Tionghoa jang ditjap peng-

Hoekoeman potong kepala di tengah aloon-aloon itoe memang paling heibat. Orang amat ngeri hadepken.

Tetapi djoestroe ini jang dipilih oleh orang Manchu, soepaja orang Tionghoa atawa kaoemnja Dr. Sun mendjadi

Aken tetapi seperti orang saksiken sendiri, partijnja Dr. Sun tida merasa djerih, dan Wang Ching Wei dengen ketabahan jang soesah ditjari bandingannja maoe kasih "adjar" pada wakil dari Keizer Manchu.

Maka pantes djoega sasoedah ia kena ditangkep, ia melainken kenal satoe djalan, jalah trima hoekoeman potong

Lain djalan tida ada!

Tida ada harepan boeat melariken diri, sebab pendjara di Peking temboknja berlapis-lapis.

Orang taoe sendiri keada'annja kota Peking jang koeno itoe, temboknja terlaloe tebel dan saben pintoe lapisan ada didjaga soldadoe. Terlebih poela pendjara jang diprantiken oentoek kaoem politiek, boekan main tegoehnja.

Pendjara itoe siang malem ada didjaga oleh poeloehan soldadoe, maka bagimana Wang Ching Wei bisa minggat?

Djoega harepan oentoek dapetken ampoen tida ada. Kaloe ia melainken

bersalah di dalem lain oeroesan, oepama merampok, memboenoeh orang biasa dan lain-lain kesalahan poela, maski besar, tetapi sedikitnja kena di harep lain koetika bisa kloear poela dari pendjara kapan soedah abis djalanken hoekoemannja, Tetapi satoe pemboenoeh atawa tjalon pemboenoeh dari wakil Keizer jang maha besar, mana bisa dapetken pengampoenan? . . Tetapi Wang Ching Wei toch soe-

dah ichlas.

Berkali-kali ia dipanggil mengadep

oleh pembesar Manchu, diboedjoek boeat mengakoe, didjandjiken oepahan besar dan aken dikasih poela kamerdika'annja tetapi tetep ia menolak.

Begitoelah dari daja kasar sampe aloes, dan dari aloes sampe kasar lagi, orang Manchu pertjoema sadja boeat pantjing Wang Ching Wei mengakoe.

Kadang-kadang sampe brapa hari lamanja Wang Ching Wei di-iket di dalem kebonan dipoekoelin siang malem, tida dikasih makan dan minoem, tetapi toch ia tida djadi lemas hatinja.

la melainken kenal satoe djalan sadja, jalah korbanken diri boeat negri dan

Maka pengabisannja orang Manchu toetoep sadja Wang di dalem pendjara. Dari itoe apatah kita tida pantes

kaloe angkat topi boeat itoe ketabahan dan kebranian dari Wang Ching Wei?

Tidakah terlaloe djarang orang jang mempoejai njali besar sebagi ia? Tidakah soesah didapetken orang kadoeanja di doenia ini jang mempoejai hati begitoe keras seperti ia?

Berboelan-boelan ia alamken itoe siksa'an heibat, dengen tida mengeloeh dan moeloetnia teroes tertoetoep rapet, dimanatah kita bisa ketemoeken poela bandingannja?

Wang Ching Wei baroelah katoeloengan tatkala revolutie petjah dan kaoemnja Dr. Sun Yat Sen bisa paksa orang Manchu tinggalken tachtanja serta serahken poela Tiongkok pada orang Tionghoa.

Waktoe oetoesannja Generaal Li Yuan Hung koendjoengin Peking dan kasih kloear ia dari toetoepan, Wang poenja keada'an soedah terlaloe pajah.

Ia poenja toeboeh tinggal koelit meloeloe, sakoedjoer badan penoeh dengen loeka-loeka.

Orang kira ini pendekar bakal binasa, maka ia poenja istri, miss Chen Pei Chun, tangisin sedih sekali.

Tetapi Wang Ching Wei maski di dalem keada'an begitoe roepa, dengen perkata'an teges dan njaring telah hiboerin istrinja, ia bilang tida oesah takoet, tida oesah sedih, ia toch bekerdja aken goenanja tanah aer!

Liatlah bagimana gagah Wang Ching Wei soedah bitjara!

Tidakah pada orang begini kita haroes angkat topi?

Maka Wang laloe diangkat ka dalem hospitaal, dimana ia tinggal sampe berboelan-boelan lamanja soepaja dapetken poela kasehatannia lagi

Dari itoe tida salah kaloe orang lantas tjamtoem namanja Wang sebagi satoe antara Tiongkok poenja pendekar, sebagi salah satoe pendiri dari kitapoenja Republiek.

Waktoe di dalem tempo blakangan ini via diangkat ka dalem diabatan Fu Tsungtsai (Onder Directeur Generaal), satoe tingkat lebih rendah dari djabatan jang dipangkoe oleh Generaal Chiang Kai Shek, orang tida bikin kaberatan, malah orang merasa amat setoedjoe,

Wang toch ada satoe antara pendiri dari Repuliek Tiongkok, nistjaja bakal belaken tanah-aer kita sebagimana doeloe tatkala ia maoe reboet Tiongkok dari tangannja orang Manchu.

Orang beranggepan, ia poenja kwalitiet soedah teroedji tjoekoep, hingga tidalah perloe orang sangsiken kasetia'annja . . .

Ia poenja pridato di Hankow tempo hari, di Changsha, di Chungking, tatkala pertama kali kadoedoekannja pamerentah Tiongkok di pindah ka itoe tempat, saolah-olah kita masih denger teges di sa'at ini. Ia andjoerin saben poetra dan poetri dari Tiongkok menjinta tanah-aernja dan belaken dengen sapenoeh tenaga.

Tiongkok moesti merdika, ia ada kita poenja tana bapa, begitoe ia soedah bilang. Kita moesti tolak dengen sapenoeh tenaga serangan moesoeh, enz. Pendek Wang telah bitjara terlaloe

gagah dan moeloek.

Orang beriken applaus atas itoe per-

Sasoeatoe pendenger merasa terharoe dan pertjaja Wang aken berlakoe sebagimana ia soedah bilang, jalah Tiongkok moesti berklai sampe di sa'at jang

Tiap-tiap orang Tionghoa dikasih andjoeran aken berlakoe setia pada koewadjibannja sebagi rahajat dari Tiongkok

Tetapi, helaas, Wang jang sekarang ternjata boekan Wang Ching Wei tempo hari!

Ia poenja perkata'an ternjata soedah sanget berbeda dari doeloe!

Satoe Wang Ching Wei di waktoe doeloe, tida bakal moendoer apa jang satoe kali ia soedah oetjapken dan omong, tetapi Wang Ching Wei jang sekarang bisa djadi satoe boenglon, di dalem tempo brapa hari soedah berlainan sifatnja

Soenggoeh kliwat tragisch Ini pendekar, jang di dalem hikajat Tiongkok tertjatet sebagi satoe antara orang jang berdiriken Republiek Tiongkok dan bikin merdika dari kakoeasa' annja orang Manchu, sekarang soedah djadi satoe penghianat. Soenggoeh kliwat tragisch

Wang Ching Wei, jang brapa taon doeloe, dengen bernapsoe dan goemirah andjoerken sasoeatoe rahajat Tiongkok madjoe hadepin moesoeh, lawan dengen sapenoeh tenaga, djangan beriken satoe inch kita poenja tanah pada fihak lawan, sekarang merangkang, masoek di selakangannja fihak lawan . .

Apatah ada satoe kedjadian jang lebih menjedihken dari ini?

Satoe pendekar sampe djadi satoe penghianat, pendjoeal tanah aer dan bangsa, betoel di doenia soesah di dapetken kadoeanja

Satoe bangsat djadi boenglon, satoe penipoe djadi penghianat, satoe bitjokok djadi kaki tangannja fihak lawan, semoea soedah loemrah, sebab orang berbatin begitoe rendah, memang tida bisa lain dari pada mendjadi orang poenja kakosetan kaki. Tetapi satoe Wang Chirg Wei, satoe orang terpladjar, satoe pendekar jang bermoela bersedia korbanken diri boeat tanah bapa, tetapi sekarang ia malah maoe djoeal tanah-aernja pada fihak lawan, ampir doenia tida maoe pertjaja

Berbaliknja Wang Ching Wei poenja pikiran, jang ibarat siang mendjadi malem, atawa dari poetih meletak djadi item sebagi gaok, betoel bikin orang tida bisa mengarti. Pantes ia-poenja sobat-sobat keras sebagi Wu Chi Hui Shao Lih Tse dan lain-lain poela, bilang: Ia ampir tida pertjaja Wang bisa dapetken itoe kejakinan jang amat loear biasa

Wang Ching Wei sekarang maoe djadi boneka dari fihak lawan, tentangin sendiri kejakinannja rahajat Tiongkok dan sobat-sobatnja, ada satoe kedjadian jang soeker terdapet bandingannja didalem kita poenja hikajat.

Chen Kung Po, itoe Minister, jang brapa taon doeloe pernah koendjoengin Java, serta bikin pridato di kota-kota besar sebagi Batavia, Soerabaja, Semarang dan lain-lain tempat poela, djoega ikoetin tindakannja Wang Ching Wei, jalah djadi pekakas lawan

Tetapi kabarnja Chen Kung Polantas pisahken diri poela, tida maoe landjoetkan itoe tindakan kliroe.

Tjoema Wang Ching Wei jang masih belon insjaf

SIEM KAY LIANG.

T. N. H. Tribune.

Perselisihan faham di dalem perkoempoelan.

Perkoempoelan ada ibarat satoe tali jang mengiket ratoesan atawa riboean orang mendjadi satoe goendoekan.

Dengen dipersatoekennja itoe ratoesan sampe riboean orang, maka bakal meroepaken satoe tenaga jang besar artinja oentoek orang lakoeken satoe dan lain maksoed.

Sedjak doeloe kala sabenernja orang telah mengarti kapentingannja tenaga jang bersatoe itoe, maka pepatah Barat ada bilang: Union makes strength, ata-

wa Eendracht maakt macht. Orang Tionghoa kata: It Hoo Ban

Kabenerannja perkata'an ini orang tida sangkal dan tida bisa sangkal.

Tatkala di djaman koeno sekali orang belon mengarti organisatie. orang persatoeken sadja marika poenja familie atawa koelawarga goena lindoengin marika poenja kapentingan, jaitoe djaga milik-miliknja.

Satelah orang soedah djadi lebih madjoe, baroelah marika persatoekan sobat-sobatnja, kamoedian madjoe lebih diageh, jalah tarik orang-orang jang poenjaken saroepa kapentingan dengen

Dengen begitoe moentjoellah itoe perkoempoelan-perkoempoelan, goena pertahanken kita poenja kapentingan.

Di dalem perkoempoelan itoe, seperti djoega di dalem roemah koedoe ada ketaoenja, maka perloe ada poenjaken pemimpin atawa orang jang poenjaken koewadjiban pegang kemoedi, jaitoe president atawa voorzitter.

Tetapi satoe president atawa voorzitter, tentoe sadja haroes poenjaken lain-lain pembantoe, jalah jang beroepa bestuursleden, soepaja bisa djalanken koeadjibannja dengen betoel.

Ini bestuursleden perloe bisa bersatoe, tegesnja djangan sampe terbit perselisihan heibat, kerna kapan di dalem roemah terbit pertengkaran, soenggoeh bisa bikin satoe koelawarga djadi petjah belah. Atawa djika itoe terdjadi di dalem satoe perkoempoelan, bisa bikin perkoempoelan itoe terlentar atawa berantakan.

Saja maoe akoeh, tida gampang persatoeken orang poenja pikiran, kerna sasoeatoe orang ada mempoenjai faham atawa kejakinan sendiri-sendiri.

Masing-masing orang poenja kejakinan kebanjakan diikoetin dengen betoel, sebab ia merasa, dengen itoe djalan bakal bisa sampeken kitapoenja toedjoean.

Boeat itoe kajakinan, jang tentoenja lebih doeloe soedah difahamken sadalem-dalemnja, kita wadjib hormat-

Dari itoe di dalem persidangan dari satoe perkoempoelan, tida djarang terdjadi debat sengit, kerna masing-masing fihak ingin belahken kajakinanja. Itoe debat ada baiknja boeat satoe

perkoempoelan. Satoe tanda marika jang tanggoeng djawab ada taro perhatian dengen sapenoeh hati. Dari debat itoe orang bisa tarik satoe conclusie atawa poetoesan jang paling baik aken goenanja kita-poenja perkoempoelan.

Debat itoe leksana satoe saringan, di mana aer jang djernih kita bisa da-Lagi poen boekan maksoednja orang

pasrahken itoe tanggoengan pada bestuurleden, meloeloe boeat menganoet sadja orang lain poenja anggepan. Kaloe perkoempoelan poenjaken ang-

gota-anggota bestuur jang pegang haloean demikian, nistjaja soesah dapetken kemadjoeannja, lantaran jang satoe maoe menjender pada lain.

Tiara demikian bagimanatah perkoempoelan itoe bisa berdiri sehat?

Itoe poehoen jang merambat ada mendjadi satoe tjonto bagimana orang jang main menjender tida mempoenjai pokok tegoeh oentoek berdiri sendiri, sebab maoe main mengandel atas tenaga lain orang. Djika orang jang dilain-lain tida bisa poela djalanken koewadjibannja.

Tjontonja poehoen-poehoen merambat jang berada di priëel, ia melainken meroepaken satoe pamandengan bagoes sadja, sebagi satoe perhiasan, tetapi tida bisa berdiri sendiri, maka begitoe itoe tiang-tiang jang disenderin djatoh, poehoen poehoen indah itoe poen ikoet rebah.

Tanggoengan dari satoe bestuurslid memang berat.

Tetapi itoe ada satoe djabatan kahormatan, tanda dari satoe kapertiala'an besar jang orang banjak serahken pa-

Maka djoega haroeslah kita hormatken terhadep marika jang soeka belaken kejakinannja di dalem sidang, ini menandaken ja tida alpaken itoe kapertjaja'an jang orang banjak serahken

Tetapi djoega kita haroes hormatken terhadep marika jang mempoenjai pemandengan loeas, tida maoe mendesek lebih djaoeh satelah mengatahoei fihak atawa oesoelnja koerang sampoerna pendiriannja.

Di dalem satoe sidang memang kita haroes kenal pada alesan. Terhadep alesan jang lebih baik, kita koedoe mengalah.

Tida betoel orang moesti terlaloe koekoeh pada anggepan sendiri, sebab belon karoean apa jang ia telah jakinken ada lebih bagoes dari lain orang poenja kajakinan.

Brapa kali pernah kedjadian di dalem sidang, di dalem satoe debat dari doea orang atawa satoe groep pada lain groep, telah djadi begitoe heibat, hingga boekan lagi meroepaken bertoekar pikiran, tetapi saolah-olah tjari perselisihan.

Masing-masing fihak terlaloe koekoeh

pada anggepannja.

Saja anggep ini boleh tida soesah. kaloe kita merasa alesan ada lebih lemah, boekannja satoe kabodoan atawa satoe kaliroean djika kita mengalah.

Satoe pengalaman jang saja sendiri pernah ketemoeken di dalem sidang di satoe perkoempoelan di kota....., ada mengoendjoek satoe kakliroean jang saja harep tida aken terdjadi di dalem kalangan Hua Chiao Tsing Nien Hui. Jalah satoe bestuurslid selaloe tentangin pikirannja lain bestuurslid meloeloe lantaran satoe sama lain ada mempoenjai gandjelan hati di dalem iapoenja pengidoepan prive.

Ini oeroesan prive atawa persoonlijk telah diserat di dalem perkoempoelan, sahingga itoe badan dari orang banjak didjadikan saroepa "medan perang".....

Sikep demikianlah jang saja harep haroes dibantras dan didjaoehken oleh sasoeatoe bestuurslid.

Ini ada saroepa bibit jang membikin satoe perkoempoelan djadi tida sehat

Djoega tida haroes satoe anggota dari satoe perkoempoelan merasa koerang seneng atawa djadi "sakit hati", sebab oesoelnja tida di trima.

Diandeken kita poenja oesoel betoel ada baik, di lain hari masih ada tempo oentoek kita madjoeken poela.

Di dalem perkoempoelan ada perloe sekali kita ambil sikep sabar, kerna di sitoe kita ada beroeroesan dengen banjak orang dan banjak poela pikiran.

Haroeslah kita djangan menjesel kapan kita poenja pikiran atawa pernjata'an tida disetoedjoein oleh kebanjakan anggota. *
Teroetama djanganlah djadi patah

hati, tarik diri dari djabatannja.

Kita haroes bisa berpikir loeas ba hoea perkoempoelan ada djadi badan jang dipoenjaken oleh banjak orang, maka biarlah kita poen beriken kasempetan lain orang berdaja, berpikir dan

Masih ada tempo goena kita berkerdja nanti

Bersatoenja poeloehan Hua Chiao Tsing Nien Hui di dalem satoe badan centraal atawa Chung Hui, ada menandaken sehatnja orang-orang jang pegang kemoedi paling atas.

Sedjak Chung Hui berdiri sahingga sekarang, telah meliwatin tempo sepoe-

loeh taon lamanja.

Di dalem itoe tempo sepoeloeh taon, dari toedjoe sectie telah "beranak' sampe lebih dari lima poeloeh tjabang. Satoe tanda bahoea pemimpin-pemimpin Chung Hui, sedjak bermoela sampe sekarang, terserah di tangannja orangorang jang tjakep dan pantes kita harga-

Sampe sebagitoe djaoeh tida terdapet bentrokan-bentrokan di dalem Chung Hui, ibarat kapal Chung Hui telah berlajar dan ikoetin koers atawa djoeroesan jang bener.

Chung Hui telah bisa berdiri tegoeh. sebab ia bisa pegang tegoeh koewadjiban atawa kapertiaja'an jang diserahken padanja.

Satoe hal jang kita merasa sajang sectie Moentilan di dalem tempo blakangan ini telah oendoerken diri dari persariketan ini.

Kita harep nanti dateng poela itoe tempo jang sectie Moentilan bakal gaboengken diri lagi.

Memang soedah djamak satoe-satoe kali orang ada poenjaken salah faham atawa perselisihan anggepan, atawa mempoenjai lain pendapetan. Tetapi toch djoega ada satoe koetika jang orang kombali poela ka tempat di mana satoe kali ia pernah liwat.

Satoe doea sectie doeloean pernah djoega pisahken diri dari Chung Hui, tetapi tida lama marika telah dateng poela.

Maka kita poen harep Moentilan bakal ambil itoe toeladan.

Biarlah ia poen bakal berkoempoel poela pada tjabang-tjabang jang lain. Semingkin Chung Hui poenjaken banjak tjabang, semingkin tegoeh kadoedoekannja, begitoe poen soeara-soearanja Chung Hui atawa Hua Chiao Tsing Nien Hui saoemoemnja, lebih berpengaroeh dan lebih terindah.

Hidoepnja Chung Hui ini sabenernja ada membawa kapentingan dioega boeat tjabang-tjabang serta boeat masjarakat Tionghoa saoemoemnja. Dari itoe kaloe sectie-sectie beriken sokongan pada Chung Hui, berarti ia bantoe djoega perbaikin masjarakat kita di sini, jang dengen sasoenggoehnja masih perloe dengen banjak perbaikan dan perobahan.

Kita haroes merasa girang Chung Hui dapetken begitoe banjak anggota, satoe kedjadian jang belon pernah dialamken oleh perkoempoelan Tionghoa jang mana djoega. Maka ini badan centraal perloe sekali kita toendjang dan rawat, jalah dengen sokongan dan kapertjaja'an kita, soepaja ia berdiri teroes dengen soeboer.

Kapan Chung Hui poenja kadoedoekan semingkin koeat, pertjajalah ia bakal bisa berboeat lebih banjak aken goena kapentingan kita orang berame.

Kita sebagi orang Tionghoa, ada mempoenjai kapentingan jang perlainan dengen lain-lain golongan pendoedoek. Kita poenja kapentingan moesti kita belaken sendiri, sebab tida ada bangsa lain jang nanti begitoe baik hati maoe boeang tenaga aken goena kita, katjoeali ia poen bisa tarik hasilnja.

Maka djoega boekannja satoe kakliroean djika sedari sekarang kita soesoen kakoeatan sendiri, jalah dengen djalan adaken persatoean di kalangan

Oentoek bikin kekel persatoean itoe tentoe sadja dengen djalan bikin tegoeh kita poenja perkoempoelan.

Maka sokonglah kita poenja Hua Chiao Tsing Niën Hui, jang mana sadja, sebaliknja tiap-tiap tjabang dari T. N. H. poen wadjib toendjang kita poenja Chung Hui.

S. P. T.

Pikir doeloe, sablonnja kau berboeat.

Menoesia dari segala bangsa ada mempoenjai tabeat atawa atoeran sendiri-sendiri dari itoe satoe sama lain ada jang menjela kalo atoerannja tida klop sarra dia poenja. Kita orang Tiong-Hoa 'di ini poelo djangan soeka mengalem lain bangsa poenja atoeran lebi lagi sama atoeran barat, begitoe djoega djangan menjela.

Selainnja djangan mengalem of menjela pada lain bangsa kliwat dari misti. djoega djangan menjela pada bangsa

Kita haroes lebi doeloe timbang dengen betoel dia poenja perboeatan, apa kita bole tiroe of tida. Kalo bole di ambil toeladan kita djangan lambat lagi aken goenaken itoe, tapi kalo tida boleh, kita djangan berboeat dan obrolken pada kita poenja collega's sebab bisa bikin si collega tiroe itoe atoeran kalo dia tida pikir dengen betoel.

Sak kloearnja ini O.M. jalah koedoe kasi soeara pada kita poenja bangsa soepaja nasibnja bisa djadi baik.

Sebagimana saia soedah toetoerken diatas kita orang Tionghoa soeka menjela kalo liat kita poenja soedaraprempoean djalannja koerang gaga, badannja bengkok dan begitoe djoega pakeannja; lantas dia bandingken sama bangsa barat dari djalannja en pakeannja. Semoea ini siapa poenja salah? Soedah tentoe jang wadjib didik dan djoega dari kita poenja soedara lelaki. Maka dari itoe haroes nona-nona bantras kalo jang didik larang kau berboeat baik, aken tetapi mesti di pikir lebih doeloe sablonnja kau berboeat.

Aken ingin mempoenjai badan jang bagoes kau tida perloe pake pakean span (sesek), sebab bisa meroesak kau poenja toeboeh badan.

Kenapa kau mesti melanggar wetnja alam (natuur) jang mestiken kau poenja badan mesti mekar dengen loeasa, tapi kau stop dengen itoe matjem pakean?

Djangan langgar itoe wet jang berkwasa basar, tapi toeroetlah dia poenja atoeran jang tentoe bisa bikin kau seneng dan poenja toeboeh jang bagoes. Selainnja main sport di dalem roemah of pekarangan seperti Gymnastiek, Badminton, Basketball enz., kau haroes djalan jang tjoekoep di waktoe pagi dan sore. Soedara lelaki haroes inget djoega, djangan seringkali adjak kau poenja soedara prempoean naik speda of kendara'an berpoeter-poeter, adjak dia dialan kaki. Lantaran pigi sedikit djaoe kau naik kendara'an jalah koeatir di tjelah kau satoe orang jang sekaker. Tetapi kau tida hargaken itoe kesehatan badan malah lebi perhatiken itoe tjela'an kosong. Dari sekarang kau djangan dengerin lagi itoe obrollan kosong. Orang djalan selainnja bisa tarik dia poenja poendak (schouder) keblakang en dadanja (borst) ka moeka, djoega bisa djaga dia poenja kesehatan, sebab dara di dalem badan bisa mengalir dengen betoel di seloeroe oerat-oerat jang sanget perloe, dan kalo dibikin diam terlaloe lama bisa membawa berbagibagi karoesakan. Sebagi machine djoega perloe sama itoe minjak, begitoepoen djoega kita poenja perkakas dalem badan mesti dapet rawatan jang baik; dari itoe makanlah barang makanan jang mengandoeng dzat - dzat jang bisa tambahken kita poenja kesehatan. Hawa

oedara jang bersih ada jang sanget perloe bagi perkakas dalem. Pentang itoe djendela - djendela kamar sampe lebar biar hawa jang seger bisa gantiken kau poenja hawa jang beratjoen jang di kloearken dari kau poenja peparoe; paling perloe kamar tidoer sebab kau mendekem disitoe begitoe lama. Selainnja soedah dibilang ini permainan sport ada sanget bergoena bagi kau poenja kesehatan badan, dia bisa bantoe kau poenja hersen boeat entengken kau bladjar.

Kita orang soeka alem kebagoesannja pakean prempoean Europa, itoe djoega betoel, tapi djangan tiroe itoe pakean sampe kliwatan, jaitoe terboeka terlaloe lebar sebagi melanggar kita poenja prikasopanan. Pakelah sadja jang tida melanggar prikasopanan (modest). Shanghai dress selainnja bagoes djoega kasi tanda jang kita mesti tjintaken kita poenja tanah aer. Djangan kau dengeri orang alem dari pakean jang immodest, sebab dia liat tjoema sebentaran, kalo soedah lama tentoe kliatan boesoeknja, dari itoe aleman tjoema di loearnja sadja tida di batinnja. Jang didik djangan terlaloe lepasken dia poenja kamerdika'an jang bisa bikin dia ketjiwa. Seperti satoe kali dia kedjeblos di djoerang hina, soedah tida bisa ditoeloeng lagi, maski dengen apa djoega. Beda djaoeh sekali dengen barang, kaloe roesak bisa dibikin betoel, kaloe ilang bisa diganti baroe, tapi kahormatan bagimana bisa di ganti atawa dibikin betoel Itoe kita haroes inget betoel2. Orang prampoean djaman sekarang mesti bereboetan main sport, orang lelaki soedah banjak jang main sport. Kau mesti bikin brenti itoe plesiran sama prempoean hina. Itoe plesiran selainnja bikin kau poenja tenaga djadi koerang, djoega jang paling perloe bikin kau poenja kasehatan terganggoe. Satoe kali kau kenak penjakit kotor kaloe tida dapet obat jang betoel kau poenja penghidoepan tentoe tertoentoet sanget seng-

Boeat penoetoep, saia sanget harep kau orang soeka perhatiken jang kasehatan badan ada pokoknja penghidoepan jang tida bisa dibeli dengen kekaja'an doenia.

KWEE TJWAN HONG.

Pemoeda dan perkoempoelan.

Sampe sekarang djoemblahnja pemoeda Tionghoa jang asingken diri dari medan pergaoelan masih banjak djoemblahnja.

Tetapi soekoer jang sebagian poela oemoemnja sekarang telah mengarti kapentingannja kita bergaoel dan ikoet ambil bagian di medan pergaoelan.

Jang saja masoedken dengen perkata'an "medan pergaoelan" jalah perkoempoelan, sebab perkoempoelan itoe jang mendjadi dasar dari sia-hwee, atawa sebagian dari masjarakat.

Dengen terdjoenken diri di dalem perkoempoelan dan toeroet ambil bagian di medan pergerakan, artinja ia berkerdja goena sia-hwee atawa orang banjak.

Orang Tionghoa djaman koeno tida soeka ambil bagian di dalem perkoempoelan, kaloe ia masoek djadi lid, ja asal masoek sadja, perkoempoelannja begini atawa begitoe, masa bodo jang djadi pengoeroes.

Malah kaloe diminta soepaja soeka bantoe ini atawa itoe, atawa pangkoe djabatan bestuurslid, katanja . . . boo-

ing, tida ada tempo.

Tjara demikian, bagimana sia-hwee Tionghoa bisa djadi madjoe atawa djadi baik?

Maka djoega tida heran kapan di djaman ampat poeloeh taon doeloe sia-hwee Tionghoa masih poeles.

Di kalangan Tionghoa itoe tempo tida ada pergerakan apa-apa, soemanget bergerak dari bangsa kita, masih belon ada. Kaloe di kalangan Tionghoa pada djaman itoe dioepamaken satoe dapoer, itoe dapoer masih belon ada apinja.

Orang Tionghoa di djaman itoe paling getolin tjari oewang.

Siang, hari malem tjoema pikir oeang sadja, tida ada lain perkara dari pada riboet pikir soeal doeit, maka tida ada hari minggoe, tida ada hari besar, dan tida ada soeal toetoep toko atawa mengasoh.

Sebab kaloe toetoep toko, mengasoh atawa brenti kerdja hari minggoe dan hari besar, dianggep roegi besar, tida dapet oewang . . .

Tjara demikian bagimana sia-hwee Tionghoa bisa madjoe? Kaloe masingmasing orang tjoema pikir kantongnja sendiri, soenggoeh bisa bikin bangsa kita katinggalan terlaloe djaoeh.

Oentoenglah in matjem pikiran sekarang tida dipoenjaken oleh kebanjakan kaoem moeda bangsa kita.

Di sampingnja orang tjari kaboetoehan atawa nafkah, pemoeda-pemoeda kita maoe tjapeken diri, ambil bagian di dalem perkoempoelan, berdaja perbaikin sia-hwee. Maka djoega di dalem ini brapa taon orang bisa saksiken, bagimana plahan plahan kita poenja pergaoelan hidoep telah semingkin berobah.

Pemoeda-pemoeda kita telah banjak jang insjaf, bahoea kita sebagi orang Tionghoa ada mempoenjai djoega tanggoengan terhadep sia-hwee dan bangsa.

Kaloe sasoeatoe orang Tionghoa maoe peloek tangan sadja, lagi seriboe taon orang Tionghoa tida bakal bisa madjok. Kita bakal djadi boentoet dari boentoetnja semoea bangsa di doenia ini.

Kamoendoeran dari sia hwee Tionghoa bakal menimpah pada semoea orang Tionghoa, pait getirnja kita sendiri jang bakal telen.

Dan djika stoe kali kita katinggalan, kita soesah boeat menjoesoel lagi.

Dari itoe kita haroes poedji pada kita poenja pemoeda-pemoeda jang zonder kenal tjape selaloe maoe berkerdja aken goenanja orang banjak, boeang tempo, boeang tenaga dan . . . roegi oeang djoega.

Zonder tenaganja itoe soedara-soedara jang brani berkorban oentoek kapentingannja orang banjak, pertjajalah pergerakan Tionghoa sampe pada sa'at ini nistjaja belon mempoenjai arti.

Memang djoega orang-orang jang ikoet ambil bagian di kalangan pergerakan itoe tida djarang dapetken critiek dari fihak jang koerang setoedjoe.

Kaloe menoeroet alesan koeno, marika jang dapet critiek itoe bakal berdiri dengen kaki blakangnja, tida maoe ikoet tjampoer lagi dikalangan pergerakan, sebab ia anggep dirinja soedah tjape, ilang tempo, ilang oeang, tida dapet gadjih, tetapi malah dapetken critiek

Ia toedoeh publiek boo-tjing (ondankbaar), maka kaseringan ia lantas tinggalken perkoempoelan dan soempah toedjoe toeroenan tida maoe tjampoer poela pada perkoempoelan mana sadja.

la poenja maoe, kaloe ia ikoet kemoediken perkoempoelan, ia poenja pikiran atawa pertanja'an moesti ditoeroet, baroelah ia poeas dan maoe berkerdja teroes boeat itoe perkoempoelan.

Tetapi ia loepa di dalem satoe hal, jalah publiek atawa orang banjak poen mempoenjai pikiran, hingga tida bisa ditoentoen menoeroet ia poenja soeka. Lagian ia poen loepa, bahoea ia poenja pikiran tida selaloe betoel, orang wadjib mengalah pada tjingli jang lebih masoek dikali atawa lebih baik.

Maka lagi sekali di sini kita maoe bilang, oentoenglah orang jang mempoenjai anggepan saroepa ini sekarang tida besar djoemblahnja.

BRIGHT STAR Shuttlecocks

per dozijn f 2.40



Satoe-satoenja shuttlecock jang menjotjokin betoel pada kaoem badminton players di ini djaman. Kwaliteitnja tanggoeng baek, sedeng harganja mela wan betoel. Tjobalah Toewan satoe kali ini merk, kita insjaf, Toewan nanti selaloe pake "BRIGHT STAR".

Pemoeda sekarang tida takoet critiek, sebab ia berkerdja boeat kapentingan oemoem, maka orang-orang jang ambil bagian di dalem perkoempoelan sekarang bertambah besar djoemblah-

Memang djoega kenapa orang moesti merasa djerih terhadep critiek?

Djika kita berkerdja dengen sewedjarnja, dengen djoedjoer, tida oesah selempang orang poenja tjelah-tjelahan.

Itoe tjelahan atawa critiek tida beda sebagi api oentoek mengoedji katoelenannja mas. Kaloe mas toelen tida nanti djadi loemer atawa koerang berharga meloeloe lantaran dibakar dengen

Begitoe poen satoe orang jang djoe-djoer berkerdja di dalem satoe perkoempoelan, publiek aken liat dan saksiken boeah dari pakerdja'annja.

Kita ambil sadja satoe tjonto, oepama Generaal Chiang Kai Shek. Kaloe ia takoet critiek, kaloe ia takoet ditjelah orang, ini hari nistjaja ia soedah tida ada di kalangan pamerentahan

Sedjak itoe hari generaal Chiang pegang pimpinan Pei-fah-chun (expedi-tie ka Oetara) pada taon 1916, moesoeh-moesoehnja setiap kali djengekin, sindir, critiek dan lemparken banjak matjem toedoehan, tetapi ia tinggal teroes di dalem kejakinannja. Ia berkerdja dengen tida ambil posing pada semoea orang poenja tjelahan atawa sangkahan.

la pernah oetaraken pikirannja demikian: "Orang boleh maki pada saja, boleh tjelah, boleh serang, malah kaloe perloe boleh tembak djoega, tetapi saja tida aken moendoer. Saja berkerdja boeat bangsa saja, boeat tanah aer saja, maka kenapatah saja moesti merasa djerih terhadep itoe soeara-soeara jang maoe tjoba merintangin?

"Saja tida aken kasih bantahan, sebab tida goena. Bantahan saja jang teroetama jalah boeah dari saja poenja pakerdja'an jang publiek nanti liat sen-diri. Seriboe kali saja bitjara poen tida goena kaloe pakerdja'an saja tida karoean. Dari itoe saja tinggal diam apa jang orang maoe kata terhadep saja.

Ini sikep dari generaal Chiang Kai Shek adalah satoe sikep jang paling baik dan bisa dimengarti.

Tatkala tiga ampat taon doeloe ia ditangkep oleh Chang Tsueh Liang dan kawan-kawannja di Shi-an, jaitoe sabelon terbit paprangan jang sekarang ini, orang tjoba paksa soepaja generaal Chiang Kai Shek robah kejakinannja.

Tetapi ia tida maoe. la koekoeh pada angen-angennja, malah ia sedia boeat

Achirnja orang hargaken pada kejakinannja itoe panglima jang dengen sasoenggoehnja ada bagoes dan djoe-

Bagitoelah orang saksiken, bahoea orang tra oesah takoet pada critiek. tida oesah selempang poenja tegenstan-

der atawa pertentangan di dalem socal kejakinan. Kaloe kita merasa kita ada mempoenjai kejakinan dan pertjaja dengen itoe angan-angan ia bisa berboeat banjak goena publiek, madjoelah teroes.

Djangan seperti orang koeno jang senantiasa ingin perkata'annja ditoeroet, kaloe didebat djadi ngambek. Ini menandaken ia poenja pengatahoean be-

Maka djoega lagi sekali saja maoe bilang, oentoenglah pemoeda-pemoeda kita djaman sekarang soedah banjak jang lempar itoe anggepan kolot. Marika sekarang soedah banjak jang ambil bagian di dalem kalangan pergerakan, maoe ikoet tanggoeng djawab.

Lantaran begitoe maka sia-hwee Tionghoa sekarang semingkin baik.

Kita bisa saksiken oepama Hua Chiao Tsing Niën jang sectienja tersebar di segala ploksok, tida sedikit ia soedah beriken toendjangannja terhadep pergerakan Tionghoa di ini kapoeloan, djoega ia bantoe lakoeken pakerdja'an pakerdja'an jang membawa kapentingannja bagi orang banjak.

Maka soenggoehlah sajang masih tida sedikit pemoeda Tionghoa jang peloek tangan dan berdiri di loear . . . perkoempoelan.

Sebab kaloe itoe pemoeda-pemoeda soeka djoega tjapeken diri dan bantoe menjokong kita poenja perkoempoelan (perkoempoelan apa sadja jang ia setoedjoe). bagi sia-hwee kita ada membawa faedah djoega.

Kita harep achir-achir marika nanti insjaf djoega dan soeka ambil bagian di medan pergaoelan oemoem, dengen masoek di dalem perkoempoelan.

DRIEHOEK.

Pasang dan bikin betoel Waterleiding Waschtafel, Closet, Kranen

POMPA BOOR

Sedia matjem-matjem Pompa dan pasang dan sedia Kraan, Douche (Waspa) harga moerah.

HADJIIKSAN

Telefoon 3126 Z. BOEBOETAN 186 - SOERABAIA.

Dokter HAN SOEN IE ALGEMEENE PRAKTIJK

Djam bitjara: $\begin{vmatrix} 8 & -10 \text{ pagi} \\ 5 & -6.30 \text{ sore} \end{vmatrix}$ KAPASARI 14—TELEFOON ZUID 431 SOERABAIA

POLIKLINIEK PAVILJOEN HOTEL PENSION "LIEM" KAPASAN 18.

Djam bitjara 6.30 — 12 pagi 6.30 — 8 sore

DENGEN PEMBAJARAN MOERAH.



Namanja "HYGEIA" kasih tanggoengan pada U tentang kwaliteitnia

LIMONADE AERBLANDA

N. V. Mineraalwaterfabriek "HYGEIA" v h R. KLAASESZ & Co. SEMARANG.

H. C. T. N. H. Afd. Soerabaja telah PILIH TAN LUXE BUS

BOEAT MARIKA POENJA TRIP: SOERABAJA BANDOENG V. V. DAN ITOE PILIHAN TERNJATA TJOTJOK! HATSIL MEMPOEASKEN!

Maka selamanja tanjaklah ketrangan lebi doeloe pada

N. V. TAN LUXE OMNIBUSDIENST

Werfstraat 2, Soerabaja Telf. Noord 2761.

Boeat penggemar badminton!

KITA SEDIAKEN:



FLASH-GORDON BADMINTON RACKET FLASH-GORDON SHUTTLECOCKS MARCO-POLO

GORDONS-VOICE

Baek, koeat dan banjak disoeka oleh semoea clubs. NIRO-THAYSIANG - SOERABAIA.

Colwing- en Bentley snaren. Leveranciers: Slazengers Tennis Rackets

perlajanan menjenengken

ken hati kaloe itoe semoea ada besnaring dari tentoe aken memoeasken dan tida mengetjil-

TENNIS- en BADMINTON RACKETS POEKOELAN dengen foean poenia Amerikaans-systeem besnaring

SOERABAJA Telf. 2200 Z. Pasar Besar Wetan 22,





MARATHON VOETBALLEN

Bikinan Tiongkok.



Selaloe tinggal boender dan awet seperti bola-bola jang paling baek kloearan Europa, tetapi harganja banjak lebih moerah. Sekarang terpake dimana-mana tempat dengen sanget memoeasken.

ARSENAL TOP-SCORER

MARATHON p. stuk f 7,50 | SERVICE No. 4 p. stuk f 4.50 " " 8.50 MATADOR No. 4 " " 7. – " 6.- CLINKER Engeland " " 8 50

semoea compleet dengen bladder.

Sportcentrale "CRESCENDO"

Ondomohenweg I (Hoek Ngemplak) - Soerabaia. Adres satoe-satoenja jang paling lengkap boeat bagian prabot-voetbal.

Drukkerij De Bruin & Co.

> Kandelsdrukmerk Periodieken Ontwerpen

Semarang Telefoon 259 Hoogendorpstraat 15.

SELAMANJA

MINGGOE toetoep 1/2 hari.



Terdiri di Pasar Djohar soeda 28 taoen lamanja.

Selamania tida boeka filiaal dimana-mana.

Sedia Prijscourant.



Firma A. GAOS - Pasar Djohar No. 1 - Semarang

Samboengan T. N. H. Tribuine.

Keperloean.

oleh TAN KOEI AN, Poerbolinggo.

Dalem pergaoelan dari segala tingkatan dan golongan atawa roepa-roepa keada'an berhoeboeng dengen penghidoepan kita menoesia sesoenggoehnja "Keperloean" ada soeatoe punt jang pegang rol paling besar.

Kaloe memikir dengen sekedjapan bahwa "Keperloean" ampir tida bisa dikira ada soeal jang membikin orang poenja pengidoepan djadi tergontjang, negri djadi saling bersedia perkakas prang, doenia djadi boelak-balik hikajatnja, djaman toeroet berkiser kijan kemari, itoe semoea tida lain "Keperloean" jang soedah tjiptaken

Satoe sobat jang masing² menggegem "Keperloean" satoe dan lain, oemoemnja telah djadi rapet persobatannja, satoe bangsa dengen lain bangsa kaloe masing2 mempoenjai "Keperloean" hing ga marika kliatan kekal perhoeboengannja, begitoelah seteroesnja.

Beriboe matjem barang bermoela harganja tjoema brapa roepiah sadja, tida bisa terdoega telah djadi naik ratoesan dan riboean, ini "Keperloean" jang memainken rolnja. Ini waktoe banjak tanah roemah asal pembelian tida soe-roep dengen pembeli poeja tawaran bila marika hendak didjoeal, apakah tida dari lantaran itoe "Keperloean'

jang soedah tida ada? Toko dagang, kantoor-kantoor doeloe bajar personeelnja mahal-mahalan, sesoedah ini waktoe tida ada "Keperloean" boekan sadja tida trima perso-neel baroe, malah orang jang masih dalem kerdja gadjihnja ditoeroenken banjak-banjakan. Penggawe begini masih teritoeng oentoeng; atjap kali banjak toko dagang dan kantoor soedah bikin bezuiniging kasih brenti itoe penggawe zonder kesalahan.

Kanan kiri banjak werkloos, kesoekeran menjerang doenia semangkin hebat, treakan manoesia jang bergoelet dalem pengidoepan terdenger soewaranja gemoeroe sanget mengeriken hati, ini poen ada Keperloean jang membikin.

Doeloe negri² poenja kaperloean pake barang dari negri lain, barang mana harganja djadi naik, fabriek bekerdia tetoeroetan semakin rame dan repot, penggawe saling dibri gadji sanget tinggi, barang bakal dibeli saling boeroe "Keperloean" banjak-banjakan, demikian pak tani toeroet saling oentoeng dan djaja. Tapi dengen sekedjap jang satoe soedah merasa kelebihan, dan itoe "Keperloean" masing-masing soe-dah tida ada, maka timboellah djaman soeker, banjak barang berbalik bobor, orang dagang saling roegi.

Pengidoepan sanget peret, peretnja pengidôepan timboellah manoesia poenja "Keperloean" desek jang satoe pada jang lain oentoek Keperloean econominja sendiri-sendiri, sobat dengen sobat, soedara dan soedara begitoepoen negri-negri; tida heran masing-masing mendjoerah "Keperloean" boeat toeloeng dirinja sendiri, maka treakannja doenia saben hari terdengar dikalangan kabaran, kabar rampok, pemboenoehan boenoeh diri, perang d. l. l. jang asalnja ini semoewa dari "Keperloean" masing-masing jang membikin onar.

"Keperloean" apakah manoesia bisa terlepas dari kekoeatan jang mainken kita dan doenia ini? Inilah barangkali bisa, tapi sanget soelit dan tida moedah, kerna sifatnja "Keperloean" ada satoe dzat jang menempel sanget lengket dengen badan menoesia dan alam ini. Tapi sebelonnja orang aken selidikin resia apa jang mendjadiken timboelnja "Keperloean" itoe, haroes terlebih doeloe orang preksa dari mana asalnja.

Menoeroet oedjarnja golongan kebatinan, sesoenggoehnja itoe sifat melainken dateng dari masing-masing natuur jang tjiptaken badan kita dengen adanja kodrat maja, maja menjipta napsoe, napsoe lahirken temaha dan temaha mengidoepken keperloean-keperloean. Tapi lantaran boekan maksoed kita disini aken membentangken hal napsoe, temaha jang bersangkoetan kepertjajahan ke-Allahan, maka kita aken terangken sadja bahwa "Keperloean" itoe bisa di bagi djadi doewa djoeroesan.

Bahwa "Keperloean" kasatoe, adalah jang bersifat goena diri dan badan jang gampang dirasaken kenikmatannja hidoep, oepama lidah kita, mata kita dan diri kita, jaitoe jang gampang berobah dan tiada tetep.

Sebaliknja "Keperloean" kedoewa, adalah jang bersifat batin dan moreel, tida bisa dipreksa oedjoednja kerna terpendem di sanoebari, inilah jang oemoemnja bisa tetep boeat selama-la-

| manja, dalem igama biasa diartiken

kira-kira jang orang kata rochmat. Disini kita aken bikin satoe tjonto: Satoe sobat dengen lain sobat jang teriket kekel, tapi masing-masing itoe kerapetannja persobatan tida teriket saling mempoenjai "Keperloean" oen-toek bikin oentoeng oewang, oentoeng apa-apa boeat diri, hanja marika tjoema ingin dapetken "Keperloean" soepaja banjak sobat jang saling mempoenjai rasa tjinta, tresna dan melebarken bergaoelan. Sobat jang begini oemoemnja bisa kekel seteroesnja.

Tjonto jang lain: Oepama satoe verkooper jang begitoe manis, kliatan sanget meresepken, segala perkata'an selaloe seperti madoe, tapi awaslah pembatja, oemoemnja verkooper itoe tarok "Keperloean" soepaja kita bisa pesen barangnja. Sebaliknja kaloe kita soedah tida dagang lagi, lebih poela tersebab djatoh, pastilah verkooper tadi kaloe ketemoe soengkan bitjara seperti doeloe poela. Inilah oedjoednja "Keperloean" boeat kelahiran, jang gampang berobah dan tida tetep.

Betoel tida semoea verkooper seperti diatas kita toelis, tempo-tempo ada jang teroes baik dan manis; verkooper begini adalah jang ketjil djoemblahnja, kerna marika oetamaken tjinta dan tresna jang tertanem dalem batinnja verkooper terseboet.

Maka pertjajalah pembatja, bahwa mas dan brilliant aken tida ada harganja, kaloe itoe batoe-batoe koral ditepi kali semoea bisa tertjipta djadi mas dan brilliant seanteronja, apa sebab? Lantaran napsoe dan temahanja manoesia soedah terbebas dan tida poenja "Keperloean" lagi.

Bagi keada'an sociaal dan pergaoelan, kaloe maoe berdiri jang tegoeh masing-masing haroes bisa kerdja zonder "Keperloean" oentoek diri seperti adanja diatas, demikian, melainken ada "Keperloean" jang kita ingin dapet saling tjinta dan tresna, artinja segala kesalahan jang lain haroes kita ma'afken, dan pandeng sadja jang berboeat salah itoe dari lantaran koerang mengertinja. Sebaliknja kaloe kita dapetken tjarjad dan perkata'an pedes jang dateng dari lain, kita boleh anggep sadja, jang menatjat jang tjelah dengen perkata'an pedes itoe lagi membikin oedjian pada diri kita, apakah kita, sanggoep artiken isinja "Keperloean" jang menoe-djoe ketresnan dan tjinta? Pertjajalah pembatja djika pergaboengan sociaal kita bisa berame-rame jang satoe saling memake artinja "Keperloean" boeat BATIN tida boeat LAHIR, pastilah pri keslametan baik jang ditoedjoeken sociaal, economie bisa djadi beres dan

Moedah-moedahan kita poenja soedara-soedara jang soedah bisa melahir-ken hidoepnja H. C. T. N. H. biarlah beragem goeloeng tangan boewat mengerdjaken, tapi djangan teriketlah pada "Keperloean" oentoek diri dan segala apa jang bersifat kenikmatan badan kasar ini, tapi toendjoekenlah sadja pada "Keperloean jang goemolong pada keslametan batin, tentremnja pikir jaitoe jang berwoedjoet menjinta dan tresna sama-sama.

Demikianlah dapet kans jang sanget besar, perkoempoelan kita pemoeda nanti bisa berfaedah dan dapetken segala maksoednja.

Kaloe sifatnja "Keperloean" kita koerang awas menangkep dan djadi salah pegang "Keperloean" jang goemolong kelahiran, artinja biar kita dapet poedjian, dapet oentoeng, tida oentoeng wang tapi oentoeng nama. Djangan kita sampe kalah, kalah debat atawa kalah segala apa, sesoeatoe perkoempoelan sociaal kaloe mengerem sifat begini jang terpendem dalem masingmasing sanoebari anggotanja, kita bisa di itoeng dengen djeridji brapa lamanja itoe maksoed bisa berdiri.

Pembatja, kita poenja peroendingan tentang "Keperloean" jang kliatan begitoe moeloek, pastilah nanti kira penoelisnja sanget tjakep bila mengatoer oeroesan sociaal, pengidoepan dan pergaoelan, inilah kliroe, bahwa kita tida lebih seperti pembatja biasa, kaloe bisa beroending, melingken maksoed kita brangkali sadja loemajan boewat imboehimboeh isinja ini orgaan boeat saling ditimbang, brangkali sadja ada faedah-nja. Tida kliroe apa jang Pascal pernah kata: "Menoesia paling banjak bisa beroending perkara sampe 50%, separonja toch masih tinggal gelap".

Warta Officieel

Sectie Kediri.

Baroe ini pada tanggal 9 September 1939, djam 8.30 malem, bertempat di gedong Volta theater, telah di pertoendjoeken H.C.T. N.H. Dames-tooneelopvoering, jang pendapetannja bersih sesoedahnja dipotong ongkos², $100^{0}/_{0}$ didermaken pada Tjien Tjay Hwee

Perhatian dari publiek kaloe diliat dari djoemblahnja penonton jang koendjoengin itoe pertoendjoekan, sampe tida ada satoe korsi jang kosong, sebetoelnja ada besar sekali en boleh di-bilang jang H. C. T. N. H. ini kali poenja gerakan mendapet SUCCES jang mempoeasken.

Dengen dapet bantoeannja Vereeniging "Hoe Lip Hiap Hwee" jang angsoerken tenaganja djoealken voorverkoop kaartjes, Sdr. Tan Swie Gwan jang soedah kasi pindjem dengen vrij ia poenja gedong dan penerangan Sdr. Tan Tong Bie kasi pertjoema minoe-man "My Queen", dan dapet roepa² dermahan dari pendoedoek Tionghoa seperti beroepa oeang d.l.l. maka itoe pertoendjoekan bisa beroleh keoentoengan bersih f 1043.43.

Boeat adresnja Hoedjien² dan Siotjia2, jang soedah braniken hati boeat pandjat panggoeng tooneel kita boekaken topi apa lagi ini waktoe kita poenja Tong Pauw di Tiongkok ada sanget perloe sekali dengen bantoean financien, ada baeknja djoega Sdr.3 secties ambil tindakan boeat adaken tooneelopvoering goena kasnja Tjien

Tjay Hwee.

Sectie Keboemen.

Keadaän Kas.

	Saldo lokaal kas bagian Augustus 1939 Lokaal kas dalem Post-	f	22.52
	spaarbank per Sept. '39	**	420.24
	bagian Aug. 1939 . Saldo Kas dari Tennis Afd.	n	75.625
	bagian Augustus '39 Kas dari Afd. Studi Fonds di Postspaar-	,,	89.675
	bank per Sept. '39 .	**	300.—
1	Totaal	f	908.06

(Dari djoemblah terseboet - sembilan ratoes delapan roepiah anem cent - belon teritoeng saldo kas dari Afd. Studi Fonds jang masih dalem tangan.)

Leden jang dilepas zonder hormat: Menoeroet poetoesan Bestuursvergadering ddo. 10 August dan 13 Sept. 1939, telah dilepas zonder hormat kerna menoenggak Contributie, soedara2:

Ong Tiong King, Pek Tjoe Kim, Liem Kian Hien, Liem Hong Po, Liem Thiam Khing, Kwee Tji Hap, Tan Ko Liang, Khoe Kie Sioe, Liem Khay Hie, Khoe Ong Djin, Tio Siong Sing, Nolanders dan Srihadidjojo, (Nolanders dan Srihadidjojo ada donateurs.)

Tentang Perajaän 10 October.

Menoeroet poetoesan bestuursvergadering ddo. 13 Sept. 1939, kita aken rajaken 10 October (Kok Khing Diit) dengen mengadaken Sport Wedstrijden dan thee-hwee antara leden kita. Goena kaperloean sport, lokaal kas akan keloearken F 15. - dan boeat onkost bikin koeweh, kita poenja Dames afd, aken membantoe F 10. - Seperti biasanja, ini kali kita poen sedeng minta fihaknja bestuur T. H H. K. boeat sama-sama rajaken perajaän terseboet agar perajaän itoe bisa djadi lebih rame dan mentereng dari apa jang kita sendiri mampoe bikin.

Tentang Registratie dan Her-registratie.

Koetika ddo. 20 Juni 1939. kita telah kirim pada leider dari Registratie afd. sadjoemblah F 10.91 goena kaperloean registratie dan her-registratie, tapi sampe sekarang belon dapet kabar apa-apa. Maka pada soedara leden jang soeka tanjaken ini hal hareplah bersabar.

Kita poenja Muziek Afd.

Dengen dibelinja satoe contra-bass dan second-hand piano, ini afdeelingtelah dapetken banjak animo. Seringkali afdeeling ini membantoe merameken pesta kawin dan gerakan amal dengen mendengerken lagoe2 Jazz Or-

Voorwedstrijden terhadep sectie Tjilatjap.

Badminton, pingpong dan football ada boeat kamenangannja kita, sebaliknja kita telah dikalahken dalem biljart, tennis dan basketball. Uitslag ada seperti

Badminton: 5-0 boeat kita. Oh Bian Lie - Him Eng Hat 15-8; Miss Ong Bie Nio - Mrs. Tan Kim Hwat 11-2; 11-8. Khoe Tiang Han/Khoe Tiang Djin -Eng Hwat/Tah Kim Hwat 21-17;

Bian Lie/Bie Nio - The Boen Thay/ Mrs. Kim Hwat 20-20 (3-0); 21-11. Oh Kim Tjiam/Oh Kim Hwat -Miss So Kwi Djoen/Miss Lie Swie Lan 21-9: 21-4.

Ping-pong: Khoe Djit Seng - Auw Jang Eng Tong 6-2; 6-3.

Voetbal: 3-0 boeat kita. Tennis: 0-5 boeat Tjilatjap. Basketball 24-28 boeat Tjilatjap. Biljart: 146-250 points boeat Tjilatjap.

Football afdeeling:

Spelers dengen giat train boeat bikin persediahan melawan sectie Solo dalem ronde kadoea. Ini tida heran kerna kita insjaf bahoea kita poenja bakal moesoeh ada koeat dan laginja marika djoega berdaja boeat kalahken kita kerna paling blakang kita dapetken kamenangan 1-0 terhadep marika waktoe bereboet beker di Poerbolinggo.

SOCIAL NEWS.

Bertoendangan:

Sdr. Oei Kang Tien dengen Siotjia Go Pik Kiok 17 Sept. 1939.

Sidoardjo p.f. H.C.T.N.H. Sidoardjo.

Menika:

Sdr. Mej. Kwee Giok Lan Nio dapet pada Sdr. The Boen Tjing

Loemadjang 30 September 1939.

p.f. H. C. T. N. H. Loemadjang.

Menika:

Sdr. Liem Tien Yoe dengen Siotjia Tan Giok Kwie

Sidoardjo - 17 September 1939. Loemadjang

p.f. H. C. T. N. H. Sidoardjo.

BESTUURSFORMATIE

Sectie Pati

Periode 1939/1940.

Beschermheer: Dr. Ch. R. Tjia Adviseur: Dr. Tan Ing Thong Tan Siang Khing Tan Boen Kwie Voorzitter: Vice-Voorz .: Ong Pok Kiat A. F. Kho Secretaris: 2e Secr.: (Beloen tetep). Lauw Tjong He Lie Hian Swie Penningmeester: Hoofdcomm.: Commissarissen: Liem Hok Tihiang Kwa Kiem Djan

Afd. Onderwijs:

Voorzitter: Secretaris: Penningmeester

Gan Thwan Hok Kwa Po An :Go Ing Bo



Afd. Schoolfonds:

Voorzitter: (Beloen tetep) Tan Siong Bo Secr. en Penn.: Khoe Djie Hay Bibliothecaris: Oei Wie Liang Biljartleider: John Kho Pingpongleider: Kwa Po Tiong Badmintonleider: Kwa Po An Tennisleider: Voetbalcaptain: Joe Gwan Swie.

Sectie Koetoardjo.

Periode 1939/1940.

Beshermheer: Toean Lauw Hok Sioe H. L. Ko & Adviseurs: Tan Eng Giam Voorzitter: Gouw Loe Liong The Kok Poo Vice-Voorz. Secretaris: Oei Gwat Ling Sie Boen Joe Penn-meester: The Boen Kwan Commissarissen: Oei Gwan Hien Boen Pauw Tjiang Liem Kian Hoo Lauw Tiong Hap Theng Tik Soei Sin Boen Joe & Propaganda: Oei Gwan Wie Oei Hok Tjwan Voetbal: Tjoen & Oei Thay Be Kie Liang & Badminton: Tan Hway Swie The Kok Poo & Biljart: Auw Jang Tjiauw Auw Jang Tjiauw & Oei Gwan Muziek: Tjoei The Kok Poo & Basketball: The Boen Kwan Hoo Swie Kwang Pingpong: & Kho Joe Oen Schaak: Yap Tjong Liang & Pauw Boen Tjwan.

SPORTWEDSTRIJDEN.

PROGRAMMA 2e RONDE

Berhoeboeng dengen kesoedahan2 dari pertandingan2 jang dilakoeken dalem 1e ronde, di bawah ini kita berikoetken programma dari 2e ronde, jang haroes dibikin pada tanggal 12 November 1939.

VOETBAL.

Noord Midden-Java.

e. Djoewana - Semarang f. Pemalang - Koedoes

Zuid Midden-Java.

e. Djocja - Poerworedjo

f. Keboemen - Solo

Oost-Java.

d. Malang - Bye

e. Sidoardjo - Soerabaja

West-Java.

Batavia ka finale.

PINGPONG.

Noord Midden-Java.

e. Rembang - Lasem

Pemalang - Koedoes.

Zuid Midden-Java.

e. Djocja - Poerworedjo

f. Keboemen - Solo

Oost-Java:

d. Malang - Toeban

e. Sidoardjo - Bye

West Java

Batavia ka finale.

BADMINTON.

Noord Midden-Java:

vrij.

Zuid Midden-Java:

vrij.

Oost-Java:

d. Malang - Soerabaja

e. Modjokerto - Bye

West-Java:

Bandoeng ka finale

BILJART.

Noord Midden-Java:

d. Djoewana - Semarang

e. Koedoes - Bye

Zuid Midden-Java:

e. Djocja - Gombong

f. Tjilatjap - Poerwokerto

Oost-Java:

vrij.

West-Java:

vrij.

TENNIS.

Noord Midden-Java:

e. Rembang - Semarang

f. Pemalang - Pati

Zuid Midden-Java:

e. Djocja - Poerworedjo

f. Tjilatjap - Solo

Oost Java:

vrij.

West-Java:

vrij:

BASKETBALL

oord Midden-Java:

vrij.

Zuid Midden-Java:

e. Djocja - Gombong

f. Tjilatjap - Poerwokerto.

Oost-Java:

d. Malang - Soerabaia

e. Modjokerto - Bye

West-Java:

Tidak ada jang ambil bagian.

KASVERSLAG HUA CHIAO TSING NIËN CHUNG HUI BAGIAN BOELAN APRIL 1939.

KETERANGAN	DEBET	CREDIT
Saldo 31 Maart 1939. Kas f 65.20 Spaarbank, 1706.22	f 1771 42	
Sectie Cheribon Contr. & Org		
Pendjoewalan contant 26 Badges	243 62 650 155 03 586	
Administratie-kosten. Orgaan (onkost tjitak Orgaan boelan April-'39. enz.) Salarissen boelan April 1939 Commissie Advertentie enz. Conferentie (onkost ² boeat Conferentie ka XII dd 8/4-'39.		f 1895 7566 60— 5589 2883 f 23933
Saldo 31 April 1939. Kas		111 88 1831 22
Totaal	f 2182 43	f 2182 43
Contributie		& O. 30 April 1939.

Berhoeboeng dengen berdirinja Chung Hui tjoekoep 10 taoen pada nanti tanggal 25 December 1939, dibawah kita moeat tanggal² pemasoekan dari kita poenja Sectie-sectie.

H.C.T.N.H. Sectie	Tanggal bersariket:	H.C.T.N.H. Sectie	Tanggal bersariket:
1. Bandoeng	25 Dec. 1929	27. Grissee	5 Dec. 1932
2 Batavia	25 Dec. 1929	28. Madioen	idem
3. Blora	idem	29. Pemalang	idem
4. Malang	idem	30. Den Passer	27 Juni 1933
5. Semarang	idem	31. Lamongan	27 Sept. 1933
6. Soerabaja	idem	32. Ponorogo	idem
7. Solo	idem	33. Toeren	idem
8. Wonogiri	idem	34 Babat	16 Dec. 1933
9. Koedoes	14 Juli 1930	35. Loemadjang	idem
10. Djocja	Febr. 1931	36. Djember	22 Febr. 1934
11. Cheribon	28 Juni 1931	37. Koetoardjo	idem
12. Pekalongan	27 Juli 1931	38. Sepandjang	April 1934
13. Rembang	9 Juli 1931	39. Padang	1934
14. Sidoardjo	27 Mei 1931	40 Lawang	1 Mei 1935
15. Pasoeroean	28 Juni 1931	41. Temanggoeng	idem
16. Keboemen	27 Mei 1931	42. Poerwokerto	1 Juli 1935
17. Modjokerto	16 Aug. 1931	43. Soemenep	11 Oct. 1935
18. Tjilatjap	16 Oct. 1931	44. Poerbolinggo	1 Juni 1936
19. Toeban	idem	45. Tjepoe	idem
20. Djoewana	29 Nov. 1931	46. Tjimahi	idem
21. Gombong	idem	47. Magelang	1 Juli 1936
22. Pati	idem	48. Poerwodadi	Sept. 1937
23. Lasem	1931	49. Amboina	14 Febr. 1939
24. Poerworedjo	1931	50. Koepang	idem
25. Bodjonegoro	29/8 Dec. 1932	51. Bandjarmasin	20 Juli 1939
26. Kediri	15/10 idem		SET OF HELL

Koendjoengilah!!!

(w.g.) TAN HWAY AN.

Centraal-Penningmeester

16.60

., 155 03

f 40515

Badge etc.

Advertentie Orgaan

Boete tida kirim wakil conferentie .

Totaal

CONGRES KA-V

Persariketan H. C. T. N. H. jang aken dibikin di SOERABAJA selama harian Paschen 1940. Tentoe mempoeasken.